

孔文谷詩集卷之三

漁嬉稿

漁嬉

門人趙訥校



平子賦歸田願同漁父嬉我今歸已遂捨此更焉之  
言鼓滄浪柁式歌濯纓辭振衣高天吹晞髮九陽曦  
貪競非吾志潔芳聊爾為怡顏豈惟悴放迹良委蛇  
明月乃遊鯉虹蜺其釣絲虛無乏患害堅白少磷緇  
追服古人訓所保今在茲

仲春始農

又知行偃蹇弗能自罷歸籠鳥待人放槍榆還獨飛  
雖令羽毛鍛豈與性情違楊柳上春氣鷓鴣鳴曙暉  
田家土膏動野老生計微泉脉荷鋤覘竹叢解帶圍  
開荒服南畝習靜掩東扉蘭葉蔭堦秀豆苗鋪壠肥  
緣源植荷芰表我遂初衣

行路難二首

飭余水陸具青雀無紫駟坎坷不自意迤邐以相繆  
上山水斷道入海風引舟改轍逢巨壑乘桴阻崇丘  
饑鴟噉鼠嚇猛虎挾狐游鑿齒候木末含沙偵渡頭  
天門一何曠人宇故多愁霜露戒朝厲桑榆期晚收

自無偃佺術行路安可謀

人生大歡者飲酒及從禽桂宇羅廣宴蘭堂沸繁音  
韶歌送白日上壽稱黃金走馬向芳甸放鷹起曾岑  
疊變成巧射載滿縱高臨自謂樂已極孰虞憂見尋  
沉酣損真氣好殺傷本心戈戟興俎豆號呶化呻吟  
此時思靜澹潰敗不可任

春林即事

廿年塵土客中春今歲春纔屬隱淪歌枕杖藜隨處  
得野花啼鳥認來真

荅日者二首

湖如新  
即我令人猶未喻知天於我更何如茫茫只合隨緣  
住不敢從君問卜居

我命自來能自筭送窮乞巧兩無因若教握粟成都  
市定惱當年賣卜人

閑居和荅潘子抑

自笑狂夫嬾更閑閉門不省窺園間稀疎短髮違僧  
幾減損凡心與道班夢轉日長仍就寢興來瓶罄亦  
開顏鄰翁剩有幽蘭調時送一篇聊啓關

仲夏北泉精舍書感

三十年前文會游此中花鳥羨同流今來風景渾如

昨獨是少年成白頭

栽竹

虚心直節者比類合同群地左池堪夾園蕪徑可分  
移叢偵醕酊植本厚殷勤南向道應長深資德已薰  
鳳條脩蔭石龍種萃含雲詎望伶倫采惟存嶰谷芬  
歲寒誰復見形影獨憐君

九日端居四首

雲淨天空露始霜山人歸隱及時光爽醅沈澁呈新  
綠籬並岬嶠現舊黃

重九嘉名俗共耽插萸斟菊滿晴嵐山人無意登高

望獨酌空齋亦已酣

籬花燦燦迎杯出門柳蕭蕭拂帽低何似關河客中  
眺不堪風雨暮淒淒

佳節無人訪華門徑荒惟有菊花存折花盈手花邊  
坐一段寒香孰與論

承小村宗尉分惠萊菔兼高詠數十篇愧不能  
報聊戲荅短章四首

仕宦無能學圃歸那堪草盛菜苗稀侯門因載貽菜  
菔茹美應教邀者肥

嘉蔬滿領貯荆筐分付山妻好護藏楮火煨成熟

後何人知有菜根香

肉食無如藿食安胃腸已作菜園看自今尤覺藩籬  
固縱有羔羊踏破難

本草圖經載此蔬導壅消穀勝薑蘇只緣一種溫平  
氣遂令胃中渣滓無

謝小村孟冬雨中送菊

重陽無酒復無花假仰蓬廬只自嗟不謂過時淹暮  
雨却逢踈蓋映寒霞破除楚客悲秋興粧點柴桑處  
士家折取未遑羞短髮一枝先插帽欹斜

歸僦城隅之園聊以避俗頃趙孟敏有愛於竹

形之雅作輒走筆廢和且見志焉凡五首

歸來未有買山錢  
僦得東鄰屋數椽  
灌木夾亭無次第  
個中惟取竹堪憐

衆芳搖落及秋時  
趁暖違寒若有知  
不似此君淹暮景  
無心一儘雪霜欺

半畝荒園兩叢竹  
一牕高枕上皇人  
看破閑居有真相  
門羅蛛網座生塵

不作飄搖陌上蓬  
園丁纔識主人翁  
行吟只在脩篁裏  
坐卧長依小閣中

洛陽才子氣如雲  
能枉柴門坐夕曛  
招隱何堪為君賦  
情知不是野人群

賦情知不是野人群

郡守陳廬山言其兄小泉戶侯之高尚率爾寄贈

廬山云小泉貌似馮唐老  
壯略期收大漠塵  
雄心欲雜祁連草  
偶蒙功名未易居  
便將身世卷吾廬  
即今養壽百年衰  
何似封侯萬里餘

元夕篇

風光新歲倚新春  
紫元衣更元夕天  
上星河泛綠雲  
人間花燭紛瑤席  
蘭膏金燼燄幢幢  
絲竹嘈嘈疊鼓  
旋何處歌歡綠雲  
第何人笑語碧烟  
燈翠蓋香車

穠李華銀鞍寶馬列侯家  
火看燭龍噴作樹盤觀天  
女散成花別有多情重  
遊龍徹曉紅粧惜零亂  
還將明月抵今宵  
未肯一刻千金換  
山人自翦北山萊  
形如稿木心死灰  
不逐東城共南陌  
布袍孤擁月明堆  
送周以明援例入太學

決戰文場日又曛  
且循條例待青雲  
辟雍流水春衫  
映御苑  
鐘晚會闈  
六館校書崇  
博士四方觀  
禮樂同群  
上淵金海  
異賢  
妙選  
旁求會到君

喜李書記千里見訪四首

下車長服滿塵埃  
千里相期笑口開  
門網經年雀不

到何因得有故人來

春盡深山草木長  
更無人語到茅堂  
兒童見客疑天  
上  
散  
荒  
茶  
亦  
欲  
狂

漳臺驛馬過漳川  
北及汾陽路已千  
借問遠情誰得  
似  
涓  
涓  
流  
水  
白  
雲  
邊

我怕羊腸道路難  
夢魂猶自苦躋攀  
君過何得平如  
水  
不  
是  
畏  
途  
途  
裏  
官

宗賓西泉折紅藥  
見貽其花一莖五  
朶便以供佛二首

冉冉色香搏頰霞  
短枝繁朶足仙葩  
呼童汲水淨瓶

貯持向佛前名獻花  
記取一花開五葉應知此本不尋常憑君乞與靈根  
種日暖風恬好護將

與李書記談詩

酌酒與君談道緣不求安飽不求仙邯鄲舍裏夢初  
破傀儡場中戲可憐赤水弄珠圓的的青天邀月皓  
娟娟街頭縱有兒童罵只作流風過耳邊

喜雨同李書記

問舍求田者甘為田舍翁桑麻看隴上鷄犬牧雲中  
破塊惟需雨抽條但信風旱來欣灑潤况與故人同

宗賓槐泉生日漫書

日光成火雲作烟鳥不敢飛樹欲然呼童煮酒復烹  
鮮與我友生相周旋豈不知苦炎熱其如樂當年九  
河李予平原客槐泉趙君中散賢岸幘偏袒百壺盡  
眼花耳熱就地眠此時混沌真老仙

園中和李書記

夕陽下山好滿園生綠烟一杯陳吳闕三畝樂歸旋  
聽鳥知求友餐霞計學仙近來迂嬾甚只想荷蓑眠

與南洲上人敘歸二首

一官廿載苦伶俜好似玄裝去取經萬怪千魔俱歷

盡劉劉存得本來形  
巨蟒伺人橫作岸含沙射影暗如塵當時就合江中  
葬不意歸來有此身

西泉莊遊眺次韻

日長何事可消愁攜手聊從汗漫遊最愛西林帶雨  
淨還艤高館入雲幽行揮炎暑葉為蓋坐汲清泠泉  
滿甌莫道生涯太踈淡山人元不擬封侯

送徐汝戢之甘泉

年少筮邊邑下車好為之賦困田多廢兵頻屋屢移  
高低烽火報赤白羽書馳大府催科急遺問奔命疲

調停策告上經紀事從宜韓范有先蠲絃歌誠我師  
盤根別利器推本見仁施佇聽謠鴻鴈還看詠素絲  
述懷呈程古川舊巡四首

憶在關中備役時得從群衆奉光儀持心仰鏡青天  
上點檢長憂負所知

十載宦情如嚼蠟不求聞達只求歸形蹤稍似鷄群  
鶴得返雲松自在飛

夜光明月終無改道作魚砮可柰何自是世緣多不  
過空令千載惜隨和

一官偃蹇百無成天放歸田有此生報德竟然慙國



士夫詩聊爾見心情

送別李書記

九河李君天下奇千里訪我山中為絕有文章希李  
杜豈徒方技遡黃岐足音正喜慰岑寂行色那堪轉  
別離秋水茫茫暗天地問津策馬欲馬之

奉和紀山見懷山中

自覺歸山好蕭條常晏如行樵遵古道作賦信閑居  
陶令真思友嵇康嬾寄書適來勞問訊惟有報迂踈

贈琴士葉友桐

文桐山人彈雅琴果令山水生清音九月霜寒木葉

下曲終無語天沉沉此曲由來世寡和幾迴聽者識  
其深山人抱琴入山去且向白雲閑素心

送李判官之武定

寒日照郊館朔風擺離旌時當一陽復君作千里行  
入國冰流解到官春草榮還攜琴鶴興去訪濟南生  
山中荅古川二首

古木高巖誰與鄰杖藜携卷自逡巡情蹤好似脫籠  
鳥不敢飛鳴更向人

歲晚山寒萬木空澗深樵響落巖風閉門擁絮復何  
有楫楸滿爐燒夜紅

山齋詠雪用鄭廣文韻二首

何物乾坤一色明，紙牕疑是月粧成。  
梅開認取花無數，竹裏聽將葉有聲。  
啄粒鳥驚殘夢語，傍溪人著幾  
兼行常憎白髮欺。吾老及比寒華老，更清  
塗却人間黃與蒼。只疑孤館薄梅香，窮陰始滿即消  
散。大地不平都掩藏，任俗看成輕絮舞。從時烹作苦  
茶嘗，憑誰喚起天公問。六出為花孰主張。

對雪寄懷紀山學憲二首

盡日瑤空白雪飛，阿誰能合此清機。  
遙知郢客高歌處，其曲彌高和益稀。

乾坤誰使玉粧成，竹屋紙窓無限清。  
擁被聊同洛下卧，竿舟恨不到中行。

和古川登覽龍門

振衣登天闕，俯瞰洪河勢。日日湧驚濤，時時復東逝。  
盈竭兩不形，流坎一奚係。升高即甘霖，潤下誠普濟。  
善利絕矜爭，平成合天地。在昔涿警予，九載屬乖盤。  
載庸神禹謨，聿除穿鑿弊。理順破懷襄，決壅來厲揭。  
弼涉大川舟，漁鼓滄洲柁。君子觀其瀾，同條聖人智。  
和古川游王官谷

昔接欽衣聖，今覽羨遊仙。澗底拾瑤草，峯頭凌翠烟。

雲璈連谷響芝蓋與天圓即是謝埃壻真心滿虛玄  
和訓許少華中丞秋日見懷

一封遙肯問荷衣未是人間知己稀吏隱向來舟不  
繫山臞近與蕨同肥東軒靜寄西雲靄昔月良遊今  
雨違欲度關河無遠翰夢魂惟作捨榆飛

對雪寄懷少華

山齋對雪遙相憶仙掌峯頭玉樹枝在昔每容葭莢  
附抵今誰賞歲寒期花前酌醴登臨日石上題篇笑  
語時都作相思離別後可堪愁裏鬢成絲

哭李黃巖憲副

我欲紫園來結社君胡白日去昇天舊僚詩酒俱陳  
迹同榜聲名亦惘然不憤烟生楊柳上惟憐雪散梨  
花邊此時回首淚沾臆春色斷腸誰為妍

喜雨

自春不雨迨于仲夏田之弗苗亦胡以稼匪歲伊凶  
維時我謝我行弗遠我旋弗蓄我求弗飽苟甚我飢  
上天有泝忽其有祚我時晚植以需口食望秋且遙  
枵腹中曷衆厭帝澤我免溝洫

自題山巖屋壁

猷畝餘夫山澤臞父略覽詩書粗窮鄒魯厠足雲逵

濫名天府一命敷文再命守土三命如前五教斯溥  
既典藩憲式昭王矩名位攸崇不能僂倭衆口鑠金  
大人解組復厥初衣保我衡宇夢醒從伊習習詡詡  
冷吹滿窓月華在戶人謂我今亦已太古我欲求之  
茂無所取

贈別趙南菴二首

聞道移官向江右黃童白叟盡攀轅分司使者嚴如  
雪何得陽春滿谷暄

豫章樓閣神仙府解纜江城望是仙金鼎調元要君  
看香爐峯藝九霞烟

贈張職方募軍北還兼寄懷林石洲戶部

赤心報國奇男子白面談兵老丈人帷幄早收西塞  
士貌貅新擁北門軍衝秋六月逢時兩決策三秋淨  
遠塵遙想清風誰作誦司徒瓊海一儒紳

七月七日答趙孟敏見訪

火德迅西邁金行生早涼鴻驚上弦月鷓起渡河梁  
霞表邀靈駕雲端闢洞房會期天不短泣路世偏長  
離索吾方感招尋爾不忘虛簷坐蕉綠大斗酌瑤光  
夜久彌春戀明窗復翱翔庶持九秋節無為參與商  
夜坐偶然二首

牕際蠅鳴曉鼓草間蚊響昏雷不是市朝闐闐如何  
亦有喧豗  
階面月光流水庭心雲影敷花蔦地不堪掬弄恍然  
看破虛華

戲荅南公見惠絲瓜二首

絲瓜在君果園裏枝枝葉葉相綢繆霜刀剪斷送山  
客公然不掛一絲頭

葫蘆架上蔓絲瓜綠葉相扶黃白花花落果成連果  
棄如同秋水送寒霞

喜紀山至郡校文

新秋宿雨夜來晴星斗高懸分外明怪底人間占德  
曜適從天表迓文旌綠槐風動魯中講絳帳雲滃穆  
下生幽谷鄙夫忘却老欲充童子備將迎

生日就輝上人飯僧

我生漸已老于道茂無開自從脫冠來稍益厭塵紛  
習嬾晝多睡睡起延夕曛好覽佛氏書因與釋子群  
賤日適清暇消散精廬雲此時秋正中天宇澹氤氳  
煮飯約僧共還容鳥雀分食已各沉静滿室香烟焚  
即是理齋素方為滌羶葷抱冲有餘蘊百年非所欣  
重九將近招我友生二首

秋色凋零不暫停蝶愁蜂慘惜餘青人生潦倒知何  
事莫遣黃花笑獨醒

老至逢秋更不禁葉飄風打暗庭陰多情只有寒籬  
菊把酒來同歲暮心

九日對菊呈紀山

昔賢愛嘉名誠謂今日好高天無片雲清川絕泥潦  
澹泊蘊貞素澄瑩徹幽渺綠葉吐霜莖黃華絢金藻  
衆芳委蕭辰孤節方獨表歲晏歸來翁欣是合其道  
與我鄰曲交及時共傾倒掇英而飲醇祛慮以却老  
茲焉景不殊云何覆傷抱為缺賞心同中懷怒如擣

承紀山枉駕丘園率爾賦訓

小園綠蕪能生宋玉愁人群久相棄歲序行已周  
顏衰先霜改神情與谷幽惟當慶雲惠垂采到林丘

贈紀山校士

金鑑自為明玉衡自為平高賢出延閣復是蘭臺英  
宏雅授文命允中司道盟憲天闈元化本實末浮榮  
九秋氣宜朗八表氛澄清凌旦莅廣堂大觀臨諸生  
析理發疑難屬藻定章程肅肅儼光儀鏘鏘流正聲  
筆蒙仰熙耀萬有會醇精待公相玉室品題充國楨

送別紀山

文思信神敏功令早已竣駕言還省署旌旆颺術汗  
諸生擁道周列侯羅後先鴻儀競瞻奉至教圖勉旃  
水流赴大壑民懷屬高賢曰余獨多戀送遠不能旋  
行行造野寺擾擾申別筵杯酒豈足珍聊用寫勤惰  
融暎被寒樹英雲滿山川相去逾百里劫來殊一天  
丈夫雖耿介離析終黯然

和紀山國寧寺小集

息駕休僕夫振衣暫祗樹良迄今子華清緣昔玄度  
雲中野鶴歸雪裏山僧住吾道豈淹留驅車還復去  
和紀山自國寧寺訪白雲菴與中望卜山

東林蓋白雲北嶺籠黛色曾是聖門儒于焉此棲息  
其人雖已朽其道常不忒俗客幾經過橫棄塗路側  
君獨何為者褰帷望還憶

送紀山至白雲菴夜坐觴詠

為憇林間室在此霞外驂華月吐雙樹清光凝一龕  
鐘聲散白雲萬籟虛空含端居澄道心清淨和且耽  
郡守遠見候巖叟亦來參汎愛携友生抽藻締文談  
達曙滿芳翰彩翠成烟嵐

奉和紀山公白雲菴留別

霜葉易分散離人難久留長廊一杯酒成喜復成憂

會面偶前期解携思舊游所須心是月流影到西樓  
喜翟山人至二首

誰謂故人老猶能策馬來到門僮僕喜留榻酒尊開  
瘦骨全如鶴雄心半已灰屏風時點染輞水木蘭隈

又

蕭索歲云暮閉門人迹稀寒簷鳥不下空宇葉頻飛  
棄學拋書卷逃禪擁衲衣棲遲君莫厭久與世情違

寄題子夏石室

道存身退老於斯石室千年尚可窺谷水寒流洙泗  
派巖條春長杏壇枝梯雲直上心猶柱帶月空迴力

已疲自歎為儒還不過由來吾黨合棲遲

送別程汾涯

春風黃鳥泥人時却把芳尊贈路岐怨別况逢花落  
盡惜分應見馬行遲鏡中勛業看成老筆裏丹青鑿  
者誰知到舊林生計拙小樓惟有獨吟詩家有小樓故云

山中答王西石使君見訊

春晚草烟綠畫閣山雨微落花鳥聲散閉閣客來稀  
曷由天上字來訊野中扉惠澤酒芳潤蓬藜滿清輝  
自慙缺世用假寒與時違朝隨麋鹿往暮逐孤雲歸  
習嬾益成性抱愚豈有機非君念幽側誰不恡音微



奉和紀山公春晚齋居見答

獻歲感知已當春事行役欲往道無因悵言空日夕  
奚由掃徑延觴翰來所益庭樹華已繁階草色逾碧  
駘蕩撩我心良期竟云隔奉君金爵杯無以洮溪壁  
杯為酌南山壁用鎮文席亮懷豈殊况流光坐相惜

孔文谷詩集卷之三

孔文谷詩集卷之四

漁嬉稿

門人趙訥校

寄拙園敘志二首

罷官無一事涉趣有斯園半畝菊成徑三間草作軒  
窓前杜史冊厨裏步兵尊山客頻相問而非車馬喧

又

不是能辭貴無非只灌園林光暎疎牖山色滿空軒  
拙計畦邊窺清綠樹底尊看雲無聽鳥誰道迹離喧  
羅江公席上喜雨二首

和氣集端暇油雲冒高城陽飈滿葉振陰鳥拂簷鳴  
始至絲同散稍深河共傾已迴綠野秀遂復炎埃清  
燕喜廓靈貺惠康敷太平方知霖大旱可以潤群生  
奚獨束夫子卓然通神明

麋鹿在山澤野情常畏人安知食萍意還復比嘉賓  
徂暑奉華宴廣堂羅衆珍樽酌如環轉絲吹怡我神  
好雨應期至良苗育時新庭樹滿芳色終席無一塵  
醉飽竟何德喘齊清與真懼非戰勝者庶不為緇磷

蓬蒿園用韻二首

青郭柴門嬾日開盈園蒿草未須栽無階那待翻紅

藥不砌何由長綠苔僧舍相看如鹿苑儒家取次似  
書臺窮年輪奐稀塵跡鎮日孤雲任往來

短垣荒圃帶孤城容得堵東一朽生苦李任天還結  
實野蒿隨地亦抽莖棲遲歲月殘書卷混沌乾坤濁  
酒罍仲對所信吾不讓紙緣除却世間情

荅柳川山中送杏

北牕微雨旦來清頓覺人間暑氣澄更得山翁寄山  
杏帶將仙露滿金莖

聞紀山先生訖試平陽東巡駐上黨萃考五郡  
諸生寄懷

三聖大觀揮振德五州總覽盡敷文仲尼已度臨河  
轍伯樂還空在冀群簾卷翠微干彩筆弦揮吹萬滿  
靈薰詩人仰止吾同調潞子高山正是君

夏日北窓偶書

溽土炎風熱不支北窓榴影綠參差單衫禿袖蕭然  
卧殊勝折腰東帶時

和柳川宗尉屋泉茶竈之作二首

漠漠紫芝洞蕭蕭脩竹林泉飛牕裏細山隔世間深  
茗碗消炎氣香爐凝道心思君若天上雲路杳難尋  
又

早披塵網絕黃緣獨秉真機事靜專石屋水寒西澗  
注竹爐茶煖一甌傳食蔬慣斫芝田種衣草常收樹  
葉穿可是世人尋不到只應雲鳥過窓前

西齋秋思二首

老與賤相仍新來更自經坐中常頷起睡裏却動醒  
報主心徒赤達人眼不青細思何足歎身世本浮萍  
八

歲序行已周役中方茂休涼風聽木落秋水看雲流  
楚客空歌鳳其止且任牛獲田釀濁醪聊可耐窮愁  
西齋寄復齋二首

結茅如斗大即此是西齋松菊尚無遜木蘭豈有柴  
隨緣希布置率性少安排三復考槃詠願言與子偕

又

偃仰一室中蕭條如抱冲方將是非遺頓令人我空  
暑氣散林薄秋光上簾櫳綠陰轉明瑩華月欣與同  
秋夜

庭柯生爽吹今夕西齋秋殘暑銷烟薄新涼帶月浮  
青瑩燈始媚滴瀝漏方適獨擁蒲團夜真成不夢周

移菊

篤愛秋容好併在菊花端碧叢分紫翠金英間玉丹

霜露方表節風雨詎知寒操當同隱士氣復尚幽蘭  
迢迢遠籬坑采采帶霞餐相親意無限移向西齋看  
孟冬六日宴集社中諸公

野人當歲晏斗酒會芳鄰雞黍無無味琴書有宿因  
情塵風落盡鬢色雪沾新取醉合相笑清時總逸民  
初雪燕柳川西園分韻得淹字

同雲作凍冬始嚴雪片下庭飛滿簾梨葉灼爐紅可  
擁松枝拂屨翠堪拈未愁謝館吟難就生怕陶杯酒  
不添刻梓載歸尋友興何如今侶興方淹

至後承羅江公夜宴留別

嚴車將邁更多情  
肯酒方為悵別傾  
江海天連知道  
在冰霜歲晚見陽生  
簾前燈火烟華媚  
院裏笙歌朔  
吹輕醉飽無能勝  
德意懸心祇恐逐離旌

奉送羅江公總憲之江西

一陽乘取動征輪  
行作江鄉萬里春  
雪燕重憐官路  
永星臨爭覩法垣  
新化參鐵柱流丹  
壑望切香爐祝  
紫宸合道豫章梁  
棟地廟材先及老龍鱗

送張龍峒太守入覲

萬國同趨覲紫微  
賢侯此去有光輝  
一官儒雅才堪  
別三德勤宣世所  
希春色喜瞻龍袞  
近恩波應統鳳

池歸還將樂職中和  
頌獻作賡歌滿禁闈

送趙孟敏會試二首

弘文世方盛  
抱道君且賢  
知上南宮選  
復當東閣延  
雲羅收鳳日  
天府漸鴻年  
送者應如堵  
登瀛望是仙

又

目送者誰子  
飛鴻凌紫烟  
天人今擢第  
鄉國早推賢  
日射黃金榜  
風生白玉鞭  
長安多意氣  
先遣報書旋

自敘耕田讀書圖  
意奉湖紀山公見  
寄題詠二  
首

出身自畎畝  
還復返郊原  
四思一官繫  
祇足業世喧

適來耕且穫聊慰釜與尊學稼非有請休猜姓是樊  
又

鯤海身難化鷄籬手自編非將藝作圃聊以學為田  
萬卷焉能破遺言冀可詮先民亦曾是所說聖人篇  
奉和紀山公歲暮見懷二首

仰止情千疊離居阻一歡寄書人不便對酒獨成歎  
荏苒春仍及蹉跎歲已殘循環竟何益就裏是悲端  
又

歲月林中老顏華鏡裏銷那堪聞別賦還復在玄宵  
北斗文逾麗南山興豈豪偏能題尺牘重與故人袍

奉詔孟衛源右轄晉陽春初見懷

自歸無復逢人問何得瑤華到草廬幽谷信移陽吹  
裛鄙生誠荷德薰餘舊來高義還傾蓋別後窮愁頗  
著書面目語言時盡憎報章臨遣更踟躕

喜衛源公移晉右轄作此敘懷

海內馳心者關中會面親芳蘭同氣味秋水異精神  
省閣論文夜河梁送別仗篇章憐俊逸岐路悵酸辛  
道遠音塵隔情深夢想頻逢時君奮陟安命我沉淪  
薇省天上亮棠陰野戍春夕要平仲敬不棄魯公仁  
蕙轉光風淑鶯鳴化日新村墟無基客畎畝待閑身

已謂居成獨誰知德尚鄰停雲徒徒倚適館竟逡巡  
政府絕書信今方為子陳

山中荅李湫南大參見訪

神交十載悵多違面覲今憐得所依憇舍綠棠春雨  
細下車五柳夕陽微不知子夏歸來老獨羨李膺攀  
者稀谷口巖廊竟殊致鷄棲還解看鵬飛

送客廻漫書二首

業已為主人依然還送客日暮返柴荆浮雲散巖碧  
又

野徑遇山僧招邀坐幽石一掬取泉涼抗言談在昔

柳川園息陰

清和入園趣最是綠陰繁萬翳三徑森森周四垣  
交踈人不到坐靜鳥餘喧明月還相映幽閑可自言  
雲山別意詩五首有序

雲山別意者贈紀山別也孟浩然曰君登青雲  
去余望青山歸雲山從此別淚濕薜蘿衣大似  
為余道者斯取而題之卷端作詩五篇

遊好方自此榮名遽見遷駕言徂南服江帆搖遠天  
孟夏山氣好草木綠成烟中有嚶鳴鳥求友聲不愆  
人獨不如斯但感別經年

驅車下太行坦然即平路荆門暫一過王程不可住  
桂舫御安流江藩入雲樹名省得新叅無人不瞻慕  
文命久矣敷仍當惠風布

瞻依惟北斗仰止惟泰山高明孰不眷攀攬良獨艱  
軒車舍我去望望天雲間百壺酒方湛首夏花復殷  
縱有暫時晤詎解別離顏

野人曾一仕無合其所如孤雲還舊山散木存朽株  
昔日金蘭友棄我若秋蕪公獨奚為者惠好竟不殊  
鵬鷁當遂判臨風悵踟躕何時復琴醕重訪山中廬

又

極目送飛鴻冥冥上霄漢我欲往隨之天路與我  
短羽戢蓬蒿聊從蟲鳥玩高卑分已陳寒暑易迴換  
所保金石期一別非所歎願言遺好音報之青玉案  
寄贈趙生登第

久知嗟蜩屈今却羨鵬騫不有朝登俊其如野伏賢  
王褒獻頌日董子策名年運合風雲來身依霄漢邊  
莫謂漆室真已戴克天畫堂纔分署金門更佇仙  
高文宜許作異等貴招延阿閣綬何事應為鳴鳥懸  
贈谷近滄自潞安兵憲擢叅浙藩

坐鎮三年重國楨建牙高岳與天平寨帷問俗五州



盡草偃風行一道清正是河陽資寇日那堪秋水送  
王程紫薇江省文華地知復甘棠滿頌聲

送王西瀛之任江西僉憲

別久纔一還歡宴謂可長柰何復言邁飲餞心徬徨  
是時秋始序雲樹生新涼晴嵐出彩翠積水川澄光  
子有大江行旌旆金飈揚銜命不寧處豈得論私腸  
東南屬多事之紀馮肅將况有經世器弘濟在舟航  
當今著明德慰此遙相望

九日喜張南川公至汾晤言奉呈四首

華秋翠渚看鴻飛盡今東人識袞衣授館豈徒以

宿爭持壽筭獻晴暉

仙輿西下白雲層山水高深信若增何况清言是吹  
萬不教狂簡一凌競

後生白首竟無聞羞觀黃花對暮雲先達誨人還不  
倦坐中玄解月紛紛

山中歲月坐推遷搖落秋深信可憐看取自家何處  
是冷雲堆裏菊叢邊

題東谿公新建鈴閣

紫薇分署日青瑣出藩年鈴閣開雄鎮牙旗建大川  
四維端護國八柱迥承天畫戟排雲上丹梯拂漢邊

朝披分氣象夕攬辨風烟形勢山河固聲輝星斗懸  
居高心每下虛左士頻延樽俎紆翰略干城屬俊賢  
威行民害去惠洽主恩宣道以經綸備才將文武全  
規模誠遠矣事業信巍然矧目台垣遠庶從此地先  
寄題張都官招隱園二首

又  
聞君棲隱處山水護林園雲暝滿空翠松門隔世喧  
投心應自得撫景復誰言不是逍遙者能無足力煩  
辭榮復何好幽曠從所如果藥羅後圃松筠列前除  
空翠巖影翠簾卷月華虛借問招隱士招得幾歸與

奉和張南川公宴集見贈之作

車馬到門誰不訝別無人矐子雲玄歲華荏苒東溪  
上木葉蕭疎小閣遙坐對碧山看晚翠笑臨黃菊認  
秋妍一杯肯與幽人共忘却尊高輩是前

臘日小村館宴集和訓

欣茲社中會駕言停我車主人好文讌玆筵列前除  
玉壺傾美酒金盤薦嘉魚日闌情未厭改席坐高廬  
秉燭親茗果侵玩復圖書雍容寒氣微迢遞夜景虛  
歲暮余寡悰不意樂有餘方知賞心同能使俗慮祛

磬室篇贈柳川

幽人曲房名磬室問之方始得其一賦情好靜不好  
喧稟志耽文亦耽質昔有江南張建勳嘗蓄玉磬泗  
濱雲間有俗人談俗務起擊清耳息塵氛此事遥遥  
隔千載鏡花水月無人采道通殊世會相因機合取  
裁還不改以室當磬閑更深自然塵遠玉山岑名在  
實存奚異調今來古往總同心橫窓小戶簷扉裏茶  
竈酒爐成其美蒲團一片啓鴻濛鶴嶺終南居尺咫  
冬寒不入夏氣清竹露夜闌啼鳥聲幽人起看但空  
翠自稱寵辱曰不驚山客抱琴候門側幽人始肯放  
顏色琴罷酒酣各不言三歎靜緣題紙墨

送黃少波移守汝州

嘉會云可常不謂遽別離行邁欽剖符飲餞悵臨岐  
春氣敷百卉野烟含綠滋嚶其出谷鳥翻彼上雲枝  
君子抱鴻略舉真鳴熙時方將策遐路豈恤縶縶私  
佐郡已夕淹專城猶量移奮庸諒茲始祇役聊爾為  
當知忠邦國嵩流滿田波昔日潁川守振珮趨彤墀

洲衛源中丞見訪

春草凌塘東誰知引上公蒼文迎憶翠樹木媚旗紅  
不畏門題鳳惟欣軾畫熊非由一存舊幾與野人同  
喜雨呈衛源公

望霖方此日應雨即來車觸石靈何巧隨風潤自餘  
氛銷高闕外麥秀兩岐初和澤還無限網緼滿太虛  
喜分守抑亭公入汾而雨奉贈

羨稷兒童迎使君即看車蓋起浮雲山川有待為霖  
溥草木何私被澤殷九派巨流曾患楚公曾九江三河  
餘潤又需汾守公艱應知民愠都消散一鼓虞絃萬室  
薰

仲夏田居

永日謝紛雜惟當野老家圃收諸葛菜田長邵平瓜  
細雨童吹笛晴風鳥啄花門前五柳樹往往結飛霞

偶逢江使寄懷曹紀山先生

淑人君子心如結還使人心更結君染苑吟同深  
月汾亭酌別晚春雲江山夢蝶何能到霜露驚鴻不  
忍聞一寄書緘付南信可堪葭水思紛紛

贈張大行

彤闈拜命肅華旌木邱單恩耀寵榮天上文星遙發  
使國中雲采競歌卿方當畫舸臨汾日又是錦衣歸  
越程觀省使應還闕下好移鴻藻奉承明

生日奉酬柳川

初度曾將弧矢懸筵此今此一溪烟閣筵喜共邀明

月聞道慙多負長年九局碁中甘我後三條路裏讓  
人先可能積得彭聃壽傍柳隨花似爲天

寄和趙孟敏京邸中秋見憶之韻

門巷秋深斷掃除獨堪衰柳翳吾居山林未是金張  
館朝省應無故舊書却老父知丹藥誤銷憂常畏綠  
尊虛月明千里勞懷詠欲報瓊瑤愧不如

寄懷王岑詩社次抑亭韻

運社千年變詩社江山文藻別爲春卷中珠玉傳高  
詠圖裏冠裳見偉人望極瓊峯樹若薺夢回瑤圃草  
如茵遊魚亦有聲音趣欲往從之遡廣約

西齋秋夕

始信寂寞者惟當揚子居荆扉謝明威蓬鬢保玄虛  
窓葉蟲唧通階塵鳥篆餘秋聲復何處蟋蟀響前除  
東谷樓九月再眺呈龍州太守

佳辰高蓋復高臨野老還隨地遠空何插紫萸和露  
重杯浮綠蟻帶霞深絃碧瀉影舞思鏡老潭光照  
暮心叢菊何知剛勝事的然開出滿籬金

霜降日作

玉女飛霜似薄埃流飈決緊寒鴻哀纔從黃葉林邊  
過又向白頭人裏來

園中刈蔬

饑歲菜苗稀當今吾園微霜定方薄  
頓日暮未盈歸  
餽粥聊相藉  
壘壘但不違先師有餘樂  
後輩良可依  
夜憶吳山人寄宿二首

今宵頓覺茅齋冷古寺荒涼更若何  
定是單衾眠不  
得愁聽落葉打窗多

雙樹蕭條獨掩扉  
可堪燈火夜深微  
此時歸夢不須  
作幾客真從夢裏歸

愚公園答諸公見訪二首

城隅結茅地乃是愚公園  
真水資苔井假山借雄垣

草因無路長樹以不材存  
棲息除外想土安仁亦敦  
又

天地始閉塞園廬正荒涼  
高車尚未覲美酒還載將  
嶺上雲多白林間葉盡黃  
不堪酬惠好聊爾對斜陽

答吳山人肅菴

涉世一何淺入林良已深  
蕭條黃葉意冷淡白雲心  
歲歟猶釀酒家貧木罷琴  
惟應同病者來此共幽沉  
柳亭公惠燕柳川莊之竹林  
夜歸賦謝

巖扉豁館賦熊車為禮幽人向竹廬  
下榻敢當徐孺  
後開尊已過孟公初夕陽嵐彩山增翠  
落木泉聲谷

漁父  
卷之四  
轉虛醉去不驚寒犬吠村林燈火夜春餘

訓龍嶼冬日招讌

劇郡一何暇平理自雍容嘉事洽樽俎和聲倫鼓鐘  
儒紳既延佇野老亦過從賓貌儼庠序主儀蕭夔龍  
情深文益著德茂禮逾恭嚴吹生廣陌晴暉散高春  
晤言歡未極留款眷彌重移席就蒼翠傾壺竭醇醲  
玉童歌宛轉金燼粲玲瓏磊磊霜下栢亭亭雪餘松  
當同君子操顏好耐玄冬

孔文谷詩集卷之四